

D. B. D.
DISCVRSVS MEDICVS
DE
ERYSIPELATE

QUEM
AUTHORITATE ET FVSSU
GRATIOSISSIMI SENATVS MEDICI
IN ANTIQVISSIMA TOTIVS GERMANIÆ
ET ELECTORALI UNIVERSITATE
HEIDELBERGENSI
SVB PRÆSIDIO

*Viri Nobilissimi, Excellentissimi &
Experientissimi*

DN. FRIDERICI CHRISTIANI
WINCLERI

MED. DOCT. SERENISSIMI PRINCIPIS
ELECTORIS PALATINI ARCHIATRI, IN
CELEBERRIMA HAC ACADEMIA PATHOL.
P.P. ET FACVLTATIS p.t. DECANI
Patroni ac studiorum suorum Promotoris
maximè colendi

PRO LICENTIA

Summos in Medicina honores & omnia Privilegia

Doctoralia legitimè consequendi,

Eruditorum examini exhibet

JOHANNES MOEGLING

Durlaco - Marchicus.

Ad diem 10. Julii M DC LXXIX. H. L. Q. S.

HEIDELBERGÆ,

Literis SAMVELIS AMMONII, ACAD. Typograph.

V I R O
MAGNIFICO, NOBILISSIMO, AM-
PLISSIMO ATQ; PRUDEN-
TISSIMO DOMINO

DN. FRANCISCO

KEZSEZEN/
ILLUSTRISSIMAE

S. R. I.

LIBERAE REIP.

ARGENTORATENSIS
MAXIMORUM MERITORUM

VIRO CONSULARI ATQ; TREDE-
CIMVIRO &c. &c.

DN. MECENATI ATQ; EVERGETAE
MEO DEVOTISSIME COLENDO

HANC MEAM
INAUGURALEM DISPUTATIONEM
IN SUBJECTI SEMPER ANIMI
TEKMHPION

SACRAM ESSE VOLVI, QVIA DEBVI

SVBMISSVS HVNILISQ; CLIENS
JOH. MOEGLING

DISCVRSVS MEDICVS

De

ERYSIPELATE.

Præfamen.

DE externis corporis humani affectibus, tanquam levioris momenti materia (*prout aliqui feré, sed falso credunt*) An Medicus propriè sic dictus debeat esse sollicitus, haud parum à multis disceptatur, cum horum tractationem soli Chirurghi sibi vindicare audeant: Sed cū hoc verum sit, quod bonus Medicus m. debeat esse bonus Chirurgus, puto hanc quæstionem jam esse solutam. Pudeat enim Medicum ignorare ea, quæ Chirurgis de hujusmodi affectibus externis, & in specie de nostro impræsentiarum psis & barbitonsoribus nota sunt. Hac de causâ plurimos inter morbos externos ipsum solum Erysipelas, eò quòd nil frequentius etiam promiscuè cujusvis conditionis hominibus, nihilque præsertim nostris *mulierculis Argentoratensibus* magis nolestum sit, pro themate Inaugurali eligere mihi placuit. Tua ô Ter Sancte Deus! gratia ne me deserat unquam, in actionibus quibuscunque meis pro salute proximi suscipiendis, ardentissima anima voveo.

Caput I.

Definitionem Nominalem proponit.

Consistit autem in ὀνομασλογία, quæ explicatione homonymiæ, Synonymiæ & ipsius nominis, absolvitur.

I. Homonymia: Vox Erysipelatis sumitur 1. genericè & minus accuratè pro quacunque partium externarum inflammatione qualis est *Erysipelas phlegmonodes*, *Oedematodes*, *Scirrhus* &c. confer. *Joh. Gorraum in Definitionibus Medicis fol. m. 120.* item pro febre Erysipelatode, quæ est continua & sine intermissione affligens febris. II. Specificè pro tali affectu, uti postea describetur in differentiis tradetur.

2. Synonymia: sistit denominationes Erysipelatis æquipollentes. Nominatur hic affectus Græcè φλόγωσις *Ardor* ἀπὸ τῆς φλογίζειν.

Latine Ignis, propter acriorem calorem, qualem etiam in arboribus sentimus.

Ignis sacer: ex mente Fernel. l. 7. Pathol. c. 4. (quasi magnum) Magnum enim quod erat, idem sacrum Prisci dicebant Test. Plutarchi Confer. Buchner. in *Fabro emendato fol. 128.* Celsus vero videtur *Herpetem Sacri ignis nomine proposuisse, ex Sennert. in Prax. l. 5. part. 1. cap. 17.*

Ignis sylvestris (quasi efferratus) ob fervoris ferociam, quibusdam

Carbunculus: propter colorem ex rubro flavum in cuticula observatum; quamvis valdè improprie.

Germanicè. Das Rothlaufen / die Rothschön / die Ros (hæc nomina à colore rubro partis affecta sunt imposita) das Besegnete (uti *Suavi appellant*) die Schön (uti apud *Argentoratenses* fœmellas audiunt quasi minimè Schön; Vel quod fœmellæ præter solitum tunc rubundæ apparent; facies enim rosea vel rubra multis placet, quamvè delicatioribus ament esse pallidiores, mögen nicht so roth aussehen / wie ein Bauren-Calender.

3. Nomen ipsum.

Ερυσίπελας est vox, quæ secundum authores Græciam redolet secundum quosdam derivatur ἀπὸ τῆς ἐρύειν trahere, vel ἐρύεσθαι, trahi & πέλο

πέλας propinque ; itaque per μεταμύθεωσιν ex græco in latinum vertendo *vicini traham* , vel *vicinitractam* scil. affectionem vel afflictionem dicunt.

Montano videtur ex ἐρυθρός (pro quo Latini *rubrum* dicunt) derivari mutato ϑ ρ in σ , ut fiat ἐρυθρός , undè dicta ἐρυθσίβη , rubigo , & ita ἐρυθσιπέλας , quasi ἐρυθσίβηπέλας , rubigini propinquum quid.

Placent verba Casp. Hoffmanni *lib. 2. Institut. cap. 41. thes. 5. p. m. 368. quando dicit* : ἐρυθσιπέλας obscurissimæ originationis est ; Qui enim ut modo dictum , *Vicinitrahā* seu *Vicinitractā* vertunt , audaciores sunt. Idem dico de τῷ ἐρυθσίβη , quæ rubigo in frumentaccis est. Video esse compositionem , qualem in ἐρυθσίσκεπλον , ἐρυθσίπλοης , ἐρυθσίταλες , & similibus forte aliis , cujus ratio ex vetustis Lexicographis dari non possit.

Caput II.

Descriptionem realem tradit.

E*Rysipelas est intemperies calida, interdum sine interdum cum magnitudine parum aucta , exteriora partium corporis integumenta cum dolore praesertim pungitivo & pruriginoso affligens, à sanguinis parte calidiore & tenuiore bilioso, interdum malignitatis quendam characterem habente, in poros integumentorum effuso, inibique subsistente, ortum trahens.*

Descriptionem hanc quod attinet , licèt non planè conformis sit præceptis Logicis , hoc nobis satis sit , Erysipelas ad medicam verè delineasse artem.

Genus seu τὸ formale est intemperies calida ex sanguine bilioso, conjuncta cum parum aucta magnitudine. Alii definiunt per tumorem , qui nostro judicio adeò non peccant ; Interim tamen à potiori fieri debet denominatio. Ideoque Erysipelas per intemperiem potius describenda. Nec impedit quod Febris quoque per eandem definia-
tur , & ita Febris & Erysipelas unum idemque sint : Possemus hanc controversiam fusiùs & exactiùs tractare, nisi discursus noster citra propositum excresceret in nimiam molem ; sed forsan in cathedra dabitur occasio nostram de hac instantia explicare mentem.

Caput III.

Partem affectam s. subiectum examinat.

Pars affecta sive subiectum est duplex; unum remotum & mediatum minusque principaliter & propriè affectum; suntque partes corporis, quibus adscribi Erysipelas consuevit. Proximum alterum & immediatum directè & per se affectum, in quo intemperies calida & parùm aucta magnitudo proximè deprehenditur, sunt partes corporis exteriores (*interioribus tamen non exclusis*) membranosæ sive involucria ambientia, nimirum Cutis & cuticula; sed non collectivè hîc partium nomen accipi, quasi omnes partes simul affligi dicamus, sed disjunctivè, ita, ut modò hanc, modò illam, jam faciem, jam mammas, &c. pati, concedamus.

Interim tamen non cum illis, qui habitum corporis pro subiecto affectûs nostri venditant, sentimus, aliàs Icterus, Leucophlegmatia & Erysipelas pari passu ambularent, habitus enim corporis significatione sua partes internas non complectitur, quas tamen æque ac externas Erysipelate, quod videre est in Phrenitide, Peripneumonia & Pleuritide, à Cerebri, pulmonum & pleuræ tum sanguinea tum biliosa fluxione, affici posse, experientia comprobatur.

Caput IV.

Causam immediatam s. Proximam exhibet.

Causa immediata & Proxima s. conjuncta est sanguinis pars calidior, tenuior, atque biliosa, quæ jam influxura est ad corporis partem externas quam internas; Posita enim hâc in actu, ponitur intemperies, magnitudinis augmentum, adeoque tandem Erysipelas.

Per sanguinem intelligimus non totam illam massam sanguineam prout in venis & arteriis continetur, sed portionem aliquam fluidam

dam bile tenuissima mixtam, unde etiam illa pars sanguinis calidior & tenuior.

Quod autem quandoque Characterem malignitatis habeat, illud demonstrant Symptomatum quæ in internis potissimum Erysipelatum generibus, cum ab externis partibus ad interiora humor morbificus remeat, sese exerunt, vehementia.

Caput V.

Causam mediatam proximiorē exponit.

CAussa mediata seu propinqua est ipsa sanguinis biliosi calentis & luxuriantis ab excretrice concitata fluxio in mammarum, colli, faciei, &c. cutim, aliasque ad suscipiendam hanc fluxionem propensas partes tam internas quàm externas; hic enim sanguis propter tenuitatem facile penetrare potest, & non semper hoc præstat suâ abundantia & copia, sed etiam qualitatum vitio: si igitur oriri debet Erysipelas, externum opus est, ut sanguis biliosus calidior, tenuior in poris integumentorum subsistat; subsistit verò ob affluxum repentinum & effluxum impeditum; impeditur effluxus ob partium vel naturalem vel morbosam imbibendo humori aptam constitutionem. Affluit sanguis repente, quia per Criticum naturæ conatum eò pellitur. Criticus naturæ conatus excitatur à febris, febris ab effervescencia sanguinis, hæc à sanguine heterogeneo, qui est idem ille calidus biliosus & tenuis admixtus.

Caput VI.

Causam antecedentem s. remotam internam repræsentat.

Est autem causa antecedens interna, viscerum præcipuè concoquentium intemperies calida, imò etiam sanguinis dispositio p. n., quando nimirum plus justo incalescit & effervescit instar aquæ ferventis: quem

quemadmodum autem in aqua multæ sunt particulæ calidæ humidæ, sic tales etiam in sanguine. Sanguis igitur istiusmodi particulis plenus, si impetu quodam ad summam cutim confertur, Erysipelas oritur. Huc quoque pertinet temperamentum bilioso sanguineum ob calorem præpollentem & urentem. Deinde dispositio hæreditaria *Test. Sennert. lib. 2. d. febr. c. 16. p. m. 213.* Temperatura hepatis, cum hæreditario quasi jure à parentibus in liberos transeat, non rarò etiam hoc malum ab illis in liberos propagari solet, & fit hoc vel per contagium seminale vel materni sanguinis communicatione; deindè malum hæreditarium hac de causâ etiam dici potest, quando temperamentum Parentum (*nim. calid. & siccum*) in liberos transplantatur. Spectat huc quoque Sexus, Fœminæ enim præ viris huic malo sunt obnoxie propter illarum constitutionem corporis molliorem & in iram proniorem. Referenda huc denique ætas, eaque vegeta & florida ob ubertatem sanguinis in corpore maximam.

Caput VII.

Causas remotas Externas enumerat.

ET quidem I. non naturales. Ubi sese offert I. *Aer* quatenus nimirum à naturali sua constitutione vel ad caliditatem, ubi sanguinem nostrum inflamat quasi, & conflagrabilior reddit, conflagrandoque spirituescentiam ejus & tenuitatem auget; vel ad frigiditatem, poros corporis occludendo & transpirationem fuliginum acrium & fervidorum impediendo, recedit. II. *Cibus & potus*. Multum etiam contribuunt in generatione hujus morbi, quatenus sunt calida & sicca, item omnia aromata & ex illis præparata potulenta, item acria, dulcia, sale macerata, & fumo indurata; item calidiorum medicamentorum usus largior, si crebrius assumantur. Item multitudo cibi & potus multum chylum, multus chylus multum sanguinem sanguis vero multus multam flammam, flammæ abundans eum fervidum adeoque Erysipelati aptum efficit. III. *Motus & quies*: *Motus* huic malo ansam præbet, quatenus excessus fit vel cursu, vel equitatione vel saltatione, ubi pori rarefiunt & sanguis irritatur, ut celerius per vasa decurrat

decurrat & ad cor copiosior confluat, indeque ejus effervescencia major oboriatur : cujus occasione portiones illius à centro ad circumferentiam vehuntur. Quies quoque nimia & vita sedentaria, prohibendo crudorum humorum exclusionem, obstructionum mater fieri poterunt. IV. Vigiliæ si modum exceſſerint ad hujus mali generationem faciunt, quia nimis exsiccant. V. Excreta & retenta: Inter illa evacuationes potissimum immodicæ serosi benigni humoris qui refrigerium & humectativum corporis meritò audit, sunt recensendæ; eo enim dempto facile massa sanguinea ad intemperiem calidam degenerat. Ad retenta referuntur omnes solennes evacuationes intermissæ sive per artem seu per naturam fiant. Hujus farinae variae sunt. 1. Retentæ diutius alvinæ fæces. 2. Hæmorrhagiæ narium assuetis interceptæ. 3. Hæmorrhoidum & mensium fluxus suppressus. 4. Lochia puerperarum retenta. 5. Omnium autem plurimam vim habent igneæ illæ fuligines, quas sanguis aliàs per poros dimittit, icubi retineantur. Quæ Arte instuuntur evacuationes, si retineantur solent esse, Purgationes, V. S. scarificationes &c. Etiam in Vulgus notum est, inprimis autem Mulierculis nostris Argentoratensibus, quantum momenti in illis situm sit, quandò sæpè confitentur, Sie haben sonst allezeit im Brauch gehabt im Frühling und Herbst zu purgiren und darauff Alder zu lassen / Item sie haben die Zeit in das Bad zu gehen / übergangen / und wann sie diese Sachen unterlassen / haben sie alsobald die Schön am Hals. VI. *Animi pathemata & perturbationes* vim suam in Erysipelate exerere possunt. Si quid enim est, quod effervescenciam sanguinis mirum in modum, spiritus provocando auget, hoc profectò est *Ira*, ita ut apud Hieronymum Fracastorium etiam per sanguinis ebullitionem definita legatur. Quamobrem quotidianâ ferè experienciâ, Iram prægressam Erysipelas subsequi comprobatum habemus. Idem possunt efficere gaudium inopinatum, risus effusus &c.

II. Præter naturales. 1. in genere intemperies intensè calida & biliosa. 2. Plethora, abundantia nimirum sanguinis. 3. Cachymia non quidem vera, sed spuria & ad Plethoram inclinans, calida nimirum & biliosa.

Caput VIII.

Differentias recenset.

Erysipelas est vel Exquisitum, vel minus Exquisitum.

Exquisitum est vel simplex, vel Exulceratum.

Exquisitum Simplex jam supra definitum est, idcirco crambem bis coctam apponere nolo.

Exulceratum internum duplex: Primum in quo summa Cutis tantum exulceratur: Alterum, cujus exulceratio altius in cutem penetrat, ut ruptis pustulis sanies effluat.

Minus exquisitum Erysipelas est vel Phlegmonodes; vel Oedematodes. Hoc causam habet Pituitam magis per congestionem, quàm affluxum & quidem sine dolore collectam. Illud verò oritur ex sanguine magis quidem tumente, sed minus fervido. *Vid. Corbejum in Enumeratione Morborum lib. 2. sect. 5. de Affectibus Extern. cap. 8. p. m. 402. & seqq.*

Quæritur jam I.

Quomodo differant Erysipelas & Phlegmone. Respondetur: Differre non tantum causis materialibus & efficientibus, sed & propriis adjunctis, nempe calore, doloris specie & parte imprimis affecta. Oritur enim nostrum Erysipelas, secus ac Phlegmone ex sanguine bilioso levissimo summe tenui & calido, illiusque tumor, (qui ad sensum rarò adest, & si adest conjunguntur alii humores, *test. Cass. Hoffmann. in Patholog. parv. p. m. 278. thes. 5.*) magis rubet, intensius calet, dolorem longè acutiorem, ac Phlegmone, inducit; neque dolor est pulsatorius sive gravativus & tensivus, (*qualis in phlegmone à copia sanguinis arterias comprimente ipsasque membranas distendente*) sed pungitivus & pruriginosus simul. Porro in Erysipelate omnia symptomata (*vigilia, sitis, oris siccitas*) multò intensiora, quàm in Phlegmone sunt. Tandem Pars affecta Erysipelatis, *uti videre est supra in cap. 3.* est rara & tenella cutis in qua tumor superficialius & plerumque insensibilis teneram illam cutim tam in facie externa, quàm collo, mammis, brachiis, tibiis, aliisque in locis attingit; sursum namque humor ille sanguineo biliosus levitate sua, tenuitate & caliditate assiduò fertur; Phlegmone autem musculos

sculos potissimum & omne carnis genus affligit. Denique Erysipelas serpendo ad vicina progreditur & crescit: Phlegmone verò in uno loco fixa manet & nunquam ab eo dimovetur.

Quæritur II.

Quomodo differat Herpes ab Erysipelate. Respondetur hoc modo: cum bilis in superficiem partium tenuissimarum, ut faciliè resolvatur, effunditur, sit Erysipelas: Herpes verò est tumor à bile flava partium crassarum & salinarum originem ducens, in cute hærens illamque exedens & serpentibus pustulis defœdans.

Caput IX.

In Signa Diagnostica inquiri.

IN diagnosi considerandum venit vel Erysipelas Futurum vel Præsens.

In *Erysipelatis futuri* dignotionem pervenire possumus, si consideramus, illi assuetos ac jam illud aliquoties perpeffos & ex antecedentem febrem, cujus itidem accessum ex nausea, vomitu, horrore &c. inaugurari adedè difficile non est, imprimis Medico, qui ad recensita superius causarum genera temperiem, ætatem propensam, commoda anni tempora &c. attenderit.

Quænam autem pars sit passura, an Caput, an Collum, an Crus &c. ex gravitate partium insolita, infirmitate & debilitate prævia, calore insueto, aliisque conditionibus, judicatu non est difficile.

Præsens autem Erysipelas tum ex essentiali insigni calore tum essentialibus symptomatibus dolore & colore roseo (si extraneum fuerit & cutaneum) ab attento Medico agnoscitur. Signa sunt, ait Celeberr. *Jonstonus Id. Med. Pract. l. 6. c. 2. art. 1.* Invasio cum horrore, quem febris subsequitur, vehemens mordicatio & ustio, ita ut vesicula interdum excitentur. Color ex rubro flavescens, non ruber ad fuscum vergens; quibus pressum subterfugit, moxque redit. Dolor nec pulsans nec vehemens, & quidem sine tensione ad vicina progressus.

Invadit autem plerumque homines ita, ut qui malum hoc

antea non sunt passi, ejusque crebrioribus paroxysmis non sunt assueti, existiment, Peste se corripere, donec tandem in Crure aut alio loco sese affectus prodat. Confer Sennert. lib. 2. d. Febr. c. XV. Interius vero Erysipelas explorare, hic labor, hic opus: Tamen si quis symptomata morbi rectè expendere & partis cujusque actionem laxam, temperamentum & consuetudinem ægroti observaverit, non parvam cognitioni accendet faciem.

Caput X.

Signa docet Prognostica.

Quoad Prognosin: Si intemperies in subiecto ignobiliore & externo, nullis alioqui infirmitatibus obnoxio, ob sanguinis non nimium fervorem & tenuitatem adhuc moderata est, si symptomata consequentia mediocritatem servant, si causæ præcedentes non adeò pertinaces, sed facilè expugnabiles sunt, tunc Erysipelas affectus periculosus non est. Notandum autem hunc affectum multoties fieri periodicum & per intervalla ac paroxysmos invadere & ægrum certo tempore repetere, ac ad tumulum usque exercere; ne igitur hic perfectam (propter malum inveteratum) polliceamur curam, Medico prudenti cavendum erit.

Periculum autem imminere, indicant; si ardor partium ingens, pars patiens nobilis, quæ vel Externa, e. g. Caput, facies, Collum, Mammæ, &c. vel Interna, utpote Cerebrum, Pulmo, Ventriculus, uterus (de quo videatur Hipp. aphor. 43. l. 5. ἢ γυναικὶ καὶ ἐν τῇ ἐντέροι γένηται θανατῶδες: Si Mulieri pragnanti fiat in utero Erysipelas, lethale est) Si sanguis admodum fervidus, tenuis & aliquandò malignus, si ab exterioribus ad interiora remeet, periculo utique non vacat test. Hipp. aph. 25. s. 6. ἐρυσίπελας ἔξωθεν μὲν ἔσω ἰσχυρῶς, ἔκ' ἀγαθόν, ἔσωθεν δ' ἔξω ἀγαθόν: Erysipelas foris intrà converti malum; intus verò foràs bonum. Si symptomata sese prodiderint multa & gravia actiones sive vitales s. animales lædunt; si putredo (confer Hipp. aph. 20. s. 7. ὅπν' ἐρυσίπελατι σηπεδὼν, ἢ ἐμπύησις, κακόν: ab Erysipelate putredo aut suppuratio, malum) gangræna, sphacelus vel eximperia medentium vel inobedientia ægrotantium; si, luxationes vel vulnera

vulnera cum osse denudato (*huc refer Hipp. aph. 19. §. 7. Ἐπὶ ὅσῃς ψί-
λῳσι ἐρυσίπελας: ab ossis nudatione Erysipelas*) supervenerit, ne mortis
periculo res caret.

An vero morbus hic ad Salutem vel majus malum terminetur,
am dicendum erit: Ad salutem vergit, si materia morbifica vel
insensibiliter per diaphoresin; vel sensibiliter per hæmorrhagiam,
hæmorrhoides, Menses &c. evacuetur. Ad deterius inclinatur, si ma-
gnus humor in corpore retineatur; aut expulsus semel retrahatur,
& visceri alicui nobili obtrudatur.

Caput XI.

Curationem suppeditat.

HÆtenus de natura Erysipelatis, genere, subjecto, causis, differentiis,
signis diagnosticis & prognosticis actum est, unicum ergo ad huc re-
lat, nimirum ut nos ad curam accingamus, quæ absolvitur tribus
suis indicationibus usitatis, Curatoriâ, in morbo & paroxysmo præ-
sente: Praservatoriâ in causis, nimirum peccantis materiæ evacua-
tione; & tandem Vitali, quæ viribus consulit & virtutem vitalem
aptis medicamentis conservat.

Indicationi Curatoriæ ut satis fiat, quatuor probè sunt atten-
denda. 1. Pars affecta, 2. Morbus ipse. 3. Causæ morbi, & 4.
Symptomata. Ex quibus tria posteriora sui remotionem; pars af-
fecta vero sui conservationem postulat.

Calida igitur intemperies refrigerantibus & aliquo modo hu-
medantibus alteranda est; sanguis vero tenuis fervidus & nonnun-
quam malignus tanquam causæ nostri morbi eliminandus per præ-
idia universalia imminuentia, maxima autem diaphoretica. Sympto-
mata & si quidem perindè ut morbus ad remotionem sanguinis bi-
iosæ ceu causæ recedant, urgentia tamen & vires frangentia anody-
norum usum efflagitant, vel in specie ipsorum curationi dicata re-
media. Pro conservatione autem partis affectæ tum internis tum
externis corroborantibus uti convenit. Quibus omnibus decenter
efficiendis, opus est, ut Medicamenta apta ex triplici fonte nimi-
am Pharmaceutico, Chirurgico & Dietetico hauriantur.

Caput. XII.

Fontem pharmaceuticum aperit.

EX Pharmacia proposuimus Indicationibus satisfacere. Nolumus igitur ex illa purgantia κατ' ἐξοχήν, sic dicta, quia massam sanguineam tamquam causam affectus nostri insigniter fermentando & inflammando magis juvant quam debellant. Lenientia autem sive Laxantia quæ abque insigni sanguinis agitatione leviter alvum movent, humoresque mobiles placidè educunt & sanguinis fervorem imminuunt adeoque posse quasi refrigerationem relinquunt & tonum viscerum conservant, nec rejicimus, sed potius approbamus: Qualia sunt: *Syrupus de cihor. c. Rh. barb. Rosar. sol. viol. sol. fl. persic. Pulp. tamarindorum, Elect. Lenitiv. Cr. mor Tartari, &c.* in mediocri dosi sive per se sive in alias formas prout quis voluerit redacta, data. Sit ergo Formula alicujus Lenientis liquens:

℞. Flor. Cass. recent. extr. ℥j.

Syr. d. succ. Endiv.

Syr. d. pom. lax. ℥vj.

acetos.

▽ acetos.

rub. id. aa. ℥vj.

Card. B. aa. ℥j.

▽ plantag.

Misc. F. Pot. d. ad Vit. f. Laxir-

tonitruum.

träncklein morgens frühe mäch-

fl. papav. rhæad.

tern auff ein mahl einzunehmen.

nymph. aa. ℥j.

Facta evacuatione, seq. potest dari

Mf. d. ad vit. f. Rührender stär-

Julepus.

julep nach belieben zugebra-

℞. Syr. Rosar.

chen.

At *Diaphoretica* nobis faciunt utramque paginam: hæc sunt, quæ ambabus, quod ajunt, manibus ex pharmacia acceptamus. Insigne enim habent usum, quia universam corporis nostri substantiam penetrant, malignitatem sanguinis morbifici vi sua alexipharmaca expugnant & naturam in motu critico juvant: Qualia sunt:

℞. Antimon. diaph. ℥j.

℞. ▽ galeg.

Margarit. præp.

scord.

Sal. fumar. aa. ℥ß.

scorzoner.

Misc. ad Chart. f. Schweiß und

fl. sambuc. aa. ℥iß.

Stärckpülverlein auff einmahl.

Syr. acetosell. ℥j.

F. Julep. d. ad. Vitr. f. Gu-
lep zum Schweißpulverlein/
dasselbig darinnen einzuneh-
nen und ferner darvon zutrin-

cken.

Pro sudorifero Theriac. Andr. in
v fl. sambuc. commendat Jon-
stonus.

Corticem medianum sambuci cum inferiore albicante in lacte ca-
lillo coctum & bibitum egregie sudorem prolexisse cum levamine mor-
bi, cui ferme delirium jungebatur, aliquoties in Virgine nobili obser-
vatum est.

Clysteres quoque in Erysipelate locum habent & quidem partim
ab initio partim per totum morbi hujus tempus: Formula po-
st esse sequens.

fol. Malv.

Lactuc.

viol.

Mercurial.

cichor. aa. Mj.

Sem. Cucurbit.

Melon.

Portulac. aa. ʒij.

Fl. nymph. Mj.

hord. ʒj. Coq. omnia in s. q. v.
font.

Colat. lbj. admisc.

Medull. cass. fist. ʒj.

Ol. Viol. ʒij.

Nymph. ʒj.

Sal. gem. ʒij.

F. l. a Clyster.

Ad hæc nobis sufficiant quoad Medicamenta *Interna*, post quæ se-
quuntur *Externa*, dicta *Topica*, non autem repellentia vel stupefa-
centia, sed diaphoretica externa sive Extrahentia. Licet autem Pra-
cticorum libri de istiusmodi medicamentorum formulis quasi tur-
cant, placuit nihilominus etiam aliqua in medium proferre: e. g. Pul-
veres vitulini, vitali ad huc calore imbuti, & pulvere nitri consper-
si in interno capitis Erysipelate Phrenitide copulato, à plurimis Me-
dicinæ Practicis ceu insignis ad extrahendum fervorem efficaciam, lau-
dantur. Alii Corticem sambuci medianum colore viridem abrasum parti-
m circumcirca applicandum, & de die ter immutandum præcipiunt. Rob-
ertus sambuci cum Nitro & vitellis ovorum in Emplastri formam reda-
tum propriam experientiam laudo & commendo. Inter præcipua quoq;
commendatur lapis Medicamentosus *Crollii*, Sanguis menstruus in v se-
cutionis & aceto rosat dissolutus. Balsamus Lythargirii & campho-
re in v spermatis ranarum. Saccus lineus in quo farina siliginis fuit
calefactus. Linimentum *SEBIZII d. acidul. in fine*, ait *Jonstonus l.*
leg. Porro Lixivium est Cineribus fagi cum camphora & ovi albumine
Sennerto loc. citat. magni æstimatur. Nec contemnenda sunt catapla-
smata

plasmata ex farina fabarum, hordei, fœnugr. sem. lin. quæ in sacculis applicari possunt cum pulvere sabinae & foliis lauri. Oleaginosa quæ attinet & pinguia, quia bilem nutrire & partes aliquo modo inflammare dicuntur, temerè non sunt applicanda.

Caput XIII.

Chirurgiam perpendit.

Hinc ad Chirurgiam venimus, visuri, quid auxilii ferat in nostro Erysipelate. Primò omnium nobis occurrit V. S. quæ si affectus sit in externis temerè celebranda non est, ne revulsorio hoc præsidio criticè expulsam materiam morbificam denuò revocemus & naturæ obtrudamus. Nec facilè in internis nisi plethora coegerit, quâ præsentè demum, ubi ætatis, sexûs, vitium, nec non aliorum causarum constitutio permiserit, modicam aliquam V. S. brachio aut crure absque venarum delectu administrare audebimus idque idè quoque, quia in Pleuritide, Phrenitide, &c. quas internorum Erysipelatum effectus facimus, usum ejus aliquoties experientia comprobavit.

V. S. subjungitur scarificatio, quasi ejusdem vicaria. Sudentibus fit communiter in parte parti afflictæ opposita,

Caput XIV.

Diætam subnectit & Discursui nostro finem imponit.

In diætâ commendamus I. Aerem vel naturæ purum & temperatum ac quasi vernum, inclinantem quodammodo ad constitutionem calidam (*nam frigus obstipat*) l. arte præparatum, quod multis modis fieri potest, e.g. in æstate calidus in umbrosis locis l. frigida perspersis. II. Cibus & Potus: Cibus laudamus εὐχόμενον καὶ εὐπεπτον sed non nimis tamen, præsertim plethorica constitutione donatis: Ac inprimis erit conducibile, si medicamenta reddantur edulia conditum congruis, e.g. acetosa, acetosella, Endivia, lactuca, Rad. cichor. tar.


xaci, fructus ribium, Berberum &c. Abstinerere autem jubemus à calidis & siccis &c. quas supra Cap. 7. in caussarum N. N. recensione damnavimus. Pro potu probamus succum non admodum nutritivum, quique refrigerandi virtute polleat: qualis est *aqua hordeata cum passulis* & C. C. parata: item *Cerevisia* in qua nec lupuli amaror nec frumenti vires excedant, clara & defecata. Vinum vix admittimus, nisi *ὀλιγοφόρον*. Sennertus absynthites quoque concedit. In omni autem potu aurum ignitum extinguere commodum nonnullis videtur. Omnium felicissimè *Acidulas* & *Lac ebutyratum* fervorem sanguinis restinguere arbitramur. 3. & 4. Motum ut & Vigiliis, nimia esse nolumus, ne nimia sanguinis agitatio fiat; 5. Excernenda retenta, & retinenda excreta, vel alvo sollicitata, vel hæmorrhoidibus excitatis, vel reparato mensium fluxu, vel aliis Naturæ aut artis præsidiiis juvare fas est. 6. Inter animi pathemata *Tram* potissimum arcemus.

Prophylaxin Erysipelatis non possum quin etiam tangam, ubi obiter succurrit historia vel potius superstitio muliercularum quarundam Argentoratensium, quæ nimium sibi sapere videntur, quando ipso S. S. Trinitatis festo sanctissimo copiosè confluant ad sedes Divi Marci, ibique religione quasi quâdam ductæ devotè hauriunt aliquot cyathos ▽ destillatæ *Faceæ tricoloris*, Drensfaleigkeit Wasser / quâ potâ se ita armatas credunt, ut plenè sibi persuadeant, toto illo anno aut planè nunquam, aut saltem levissimè Erysipelate tentari. Quamvis quidem eredamus, hanc plantam egregiè facere ad sanguinis depurationem, adeò ut alii non vereantur statuere, luem veneream eo posse curari, si novem diebus singulo mane & vespere ejus ℥iij. bibantur: tamen hoc superstitione carere mihi non videtur, quod eobse sanctissimo festo debeat fieri.

Quod ad reliquam prophylaxin, credo egregiè prodesse purgationes quæ bilem intercipient & evacuent; Item in Plethoricis 7. S. bis in anno administrata, juxt. Johnston. Scarificationes seu anguisugæ & hæmorrhoides, si eis assueverint homines. Nec inutile arbitramur balneum aquæ dulcis, maximè verò credimus *νεγυλάξεως ἐνεκæ* utilissimè bibi posse acidulas, puta *Sualbacenses*, S. *Anthoniisteinenses* vulgò *Sönnigsteiner* / *Rippelsavienses*, *Petersthalenses*, asque præcipuè ad ipsum fontem, præmissis præmittendis; Imminis verò Tibialium ▽ spermatis ranarum imbutarum portatio-

nem hic quoque laudat *Jonston*. sed manum de tabula : Hisce contentus sis L. B. lubentissime quidem confiteor , me multa illorum, quæ necessaria sunt, omisisse, sed imputa quæso hoc tempori, quod mihi heic loci conceptum , brevi, & sic me excusatum habebis. Vale

Deo sit Laus & Gloria.



NOBILISS. ATQUE CL^{mo}.

JOHANNI MOEGLINGIO
M E O

MEDICINAE CANDIDATO

REVERA SATIS CONDIGNO

S. P. D.

TAndem *ελυμπιονίκης* evadis , & pulverem
quem curriculo collegisti fervidisquer
tis in stadio Medico , oleastro glori
permutas. Cordi recte inscribseras illud H
bræorum :

i. e. Supra
omnem
possessionē
acquire
Sapientiā.
Supra o-
mnem di-
gnitatem
elige hu-
militatē.

על כל קנין תקנה חכמה
על-כל-מעלה תבחר שפלות

N:

a h. e. Si vos
nos colue-
ris, bonos
etiam con-

sequeris
successus
b Omnis
cura ad a-
nimum est
transfe-
renda. E-
PICT. in
enchir.

c. 63.
c Seneca
Epist. 41.
d Seneca
Epist. 44.
e l. 2. de Ira
c. 28.

f Iulianus
Apostata
in suo An-
tiochiensis
i. e. Ea fe-
re hominū
natura, ut
omnes sua
mirentur,
aliena de-
spiciant.

g Hippocr.
l. π. ευσχη-
μοσύνης h.
e. oportet
permutare
sapientiā
in medici-
nam, &
medicinā
in sa-
pientiam :
Medicus e-
nim qui
Philoso-
phus est, est
Deo æ-
quali.

Namque

Ἦν ἀγαθὸν φρονέειν, ἀγαθῶν καὶ τεύχεα ἔργων. a

Quare b καὶ τὴν γνώμην ἢ πᾶσαι ἐς ἐπιστροφὴν. c *Animus e-*
nim, & ratio in animo perfecta nec eripi po-
test nec dari. d Illeque facit nobilem; eique ex
quacunq; conditione supra fortunam licet surgere.

Sunt equidem, quos valde lynceos esse ju-
vat, si Dīs placet. Verum aliena vitia in oculis ha-
bent, à tergo sua, ut cum e SENECA loquar. Ni-
mirum ut idem Saluberrimus vitæ sanctioris &
morum meliorum architectus pergit, nihil alie-
næ luxuriæ ignoscit, qui nihil suæ negavit; & ho-
micidæ tyrannus irascitur, & punit furta sacrile-
gus. f θαυμάζειν γὰρ εἰκὸς τὰ ἑαυτῶν ἕκαστον, ἀτιμάζειν δὲ τὰ ἄλλα τοῖς ἄλλοις

Verum hi discant prius sua cædere vineta. Tu in-
terim DILECTISSIME, adipiscere novam hanc
nobilitatem, quæ Tibi falso sudore parata est.
Certe si quid aliud est in Philosophia boni, hoc est,
quod stemma non inspicit. Bona mens omnibus
patet, ad hoc omnes sumus nobiles. Nec rejicit

quemquam Philosophia, addo & Medicina ;
g δὲ γὰρ μετὰ γένει τὴν σοφίην ἐς τὴν ἡλθικὴν ἐς τὴν σοφίην : ἰντὸς γὰρ φιλόσοφος, ὡς θεός : Et ideo recte quoque Galenus librum scri-
bfit : h ὅτι ὁ ἄριστος ἡλθὸς, καὶ φιλόσοφος) nec eligit : omnibus
lucet. Patricius Socrates non fuit; Cleantes aquam
traxit, & rigando hortulo locavit manus. Plato-

nem

h Quod optimus medicus etiam Philosophus.

Epist. au-
rea 44.

*nem non accepit nobilem Philosophia, sed fecit. Quid est, quare desperes his te posse fieri parem? Omnes hi Majores tui sunt, si te illis geris dignum; ita Te alloquor cum SENECA meo. Tu vigili studio, improbo labore jam à multis annis huic sanctæ Arti Te mancipasti plane; & non veluti canis è Nilo bibens. Testis ejus sum jam ab XI. annis, ubi me cum multis aliis Argentorati docentem sedulus audivisti. Testis est Celeberrima Basilea, quæ Te magis magisque excoluit. Testis est jam nostra Alma Electoralis, quæ DEO volente, post pauculos annos *quartum suum seculum* auspiciabitur. En Tibi pollicem premit *ὕψια*. Illa Tibi promeritam imponet coronam, & copiam faciet amplissimam optime tum de sanis, tum de ægrotis merendi in *Illustri ARGENTORATO* olim & mihi benefica Matre, quam DEVS rosam innocentem inter spinas acutissimas hætenus conservavit.*

LILIUM erat purum, tentabant LILIA TRINA:

Sed qui TRINVS erat, noluit id fieri!

Floreat *Celeberrima Resp. ARGENTORATENSIS*, eiq; commoda mille feras ope & consiliis Medicis. Vale P. P. c Museo meo Heidelbergæ VIII. Eid. Quintil. clō lōc LXXIX.

GEORGIUS FRANCVS, Med
& Phil. D. P, P.